

Ita est custu vademecum ?

Est una guida anca s'arrespundit, cun figuras e fumetus chi podint interessai po fintzas a is piciocheddus, a preguntas asuba de su sardu.

Ita funt is limbas de minoria, cali funt is leis de amparu, cali funt is diritus de is chi fueddant una limba de minoria, chi s'agatant arrègulas de iscritura e atru puru...

...in dònna punta una cantu chistionis.

Curiosidadi

De in ui ndi arribat su nòmini de Abas?

Su nòmini de Abas podit tènniri diversas interpretatzionis.

Su fatu chi custu nòmini s'agatit in unus cantus logus a giru de su mundu podit fai pensai chi fortzis ddui est una orìgini comuna.

O puru est possibili chi ndi bengat de su latinu *ab alas* (in sardu *abas* in italianu *ali*) in su sensu de estremidadi (*apabas, dietro*), in cunfrontu a unu atru logu chi manca podiat èssiri Useddus o Aristanis.

Su Vademecum inderetura a domu!

Custu *Vademecum* a puntadas fait a dd'arrèciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu limbasarda.abas@gmail.com iscriendi su nòmini e su sambinau e "bolu arrèciri su *Vademecum*".



Comunu de Abas

Provintzia de Aristanis

Su Vademecum est aprontau de su Servìtziu linguìsticu sardu de su Comunu de Abas

(operatoras *Tatiana Frau e Silvia Mastinu*).

S'isportellu linguìsticu est a disponimentu de citadinus, maistus de iscola, professoris e istudentis po calisiat informatzioni, fundamentu, duda, crosidadi, bibliografia, sitografia asusu de sa Limba Sarda, po consulèntzias didàticas e po cussillus chi pertocant is ararrègulas de iscritura de su sardu.

In su mesi de Santu Ainu su Servìtziu est apertu:

	De is	A is
Mèrcuris su 5	08.30	12.30
Giòbia su 6	09.30	12.30
Mèrcuris su 19	8.30	12.30
Giòbia su 20	9.30	11.30

Telèfunu: 0783/911329

E-mail: limbasarda.abas@gmail.com



Comunu de Abas

Provintzia de Aristanis

www.comune.ales.or.it

VADEMECUM

Pò su manìgiu de is leis a tutela de is limbas de minoria

Annu I, n.2

Acabau su 6 de Santu Ainu de su 2011

Ita est una limba de minoria?



Est una limba fueddada de genti meda in unus cantus logus a intru de s'Istadu. Ma no est arreconòscia comenti limba uficiali.



Pò ndi sciri de prus...

- Ita est una limba de minoria?


Is limbas de minoria funt limbas chi benint fueddadas de genti meda in unus cantus logus aintru de s'Istadu e chi tenint una istòria e arrègulas issoru, ma no funt arreconòscias comenti limbas uficialis.

S'articulu n° 1 de sa Lei 482/99 narat ca sa limba uficiali de s'Istadu est s'Italianu, est a nai ca s'italianu est sa limba chi s'insenniat in iscola, chi si manigiat in is ufitzius e chi totus is atus uficialis, po tènniri balidadadi, depint èssiri iscritus in italianu. Ma, mancai si pongat in craru custu, si narat fintzas ca in Itàlia ddui funt unas cantas limbas de minoria acanta de s'italianu chi depint èssiri tuteladas e avaloradas, intra de custas ddui est fintzas su **sardu**.

Ddui funt leis chi tutelant sa limba sarda? Calis funt?



Sa Carta Europea de is limbas de minoria de su 1992



E sa Lei de s'Istadu Italianu n.482 de su 1999.



Sa Lei de sa Regioni Sardinnia n. 26 de su 1997



Pò ndi sciri de prus...

- Calis funt is leis po sa tutela de su Sardu?

Is Leis de interessi mannu chi pertocant sa tutela de is limbas de minoria funt is chi s'ghint:

- Sa **Carta Europea** de is limbas de minoria de su 1992 chi donat linias de Principiu
- Sa Lei Regionali **n° 26 de su 1997** chi tutelat sa limba e sa cultura sarda
- Sa Lei de s'Istadu Italianu **n°482 de su 1999** chi tutelat is limbas de minoria aintru de is làcanas de s'Itàlia, allistadas in s'articulu 2 : s'albanesu, su catalanu, is limbas germànicas, grecas, slovenas e croatas, su francesu, su francu-proventzali, su friulanu, su ladinu, s'ocitanu e su sardu.

S'agarant arrègulas po iscriri in sardu?



Eya! ddui funt is arrègulas de sa Limba Sarda Comuna chi podint èssiri manigias de totu is sardus pò si cumprendi mellus a pari.



Pò ndi sciri de prus...

- Ddui funt arrègulas pò iscriri in sardu?

Eya! S'agatant is arrègulas de sa **Limba Sarda Comuna** bogadas de sa Regioni Sardinnia cun sa Deliberatzioni n° 16 de su 2006, chi podint èssiri manigias de totu is sardus pò si cumprendi a pari.

Custas arrègulas pertocant sceti s'iscritura, po chistionai donniunu s'ghint cun sa variedadi de bidda sua.

Sa LSC, mancai apat postu arrègulas de agiudu mannu e apat unificau s'iscritura, at bogau unas cantas chistionis poita non totu is biddas s'arreconoscint in custa manera de iscriri chi, su prus is biddas campidanesas, considerant a tesu de sa variedadi issoru. Duncas iat a èssiri mellus a tènniri is arrègulas de sa LSC comenti arriferimentu ma tocat a no èssiri tropu cirdinus in su manigiu issoru.